

## 22 - Trefor i Nefyn 6.3 milltir/ 9.6 km

### Map Archwilio OS 253

Mae dau lwybr posibl yma:-

#### 1. Llwybr Arfordir Cymru o amgylch Trefor

Ewch yn eich blaen i lawr y ffordd i mewn i Drefor nes gwelwch yr arwyddion ar gyfer Llwybr Arfordir Cymru ar eich ochr dde gerllaw'r arhosfan fysiau. Trowch i'r dde ac ewch i lawr y ffordd i Wydir a'r pier ac yna dilynwch gyfeirbwyntiau'r llwybr arfordirol o amgylch y pentir drwy Ynys Fach ac Ynys Fawr nes cyrhaeddwch y bythynnod ar y Pen Gorllewinol. Cerddwch heibio'r Pen Gorllewinol ac yna trowch i'r chwith yn ôl tuag at Drefor. Dilynwch y llwybr i fynyr allt lle mae'n ymuno â lôn wrth y Cerbyty. Dilynwch y lôn sy'n mynd o dan bont ac yna trowch i'r dde ar unwaith a dilyn y llwybr i fynyr allt. Ar ôl ychydig lathenni, mae arwydd ar eich ochr chwith i mewn i gaeau agored. Dilynwch yr arwyddion ar draws 2 gae ac wrth y postyn cyfeirbwyntio trowch i'r dde i ymuno â'r lôn allan o Drefor. Pan fydd y lôn yn troi'n dynn i'r chwith (GR 368 463) ewch yn eich blaen i fyny trac (sy'n troi'n llwybr) i Fwlch yr Eifl. Dewch o hyd i drac cerbydau o raean mân yn dod i lawr o weithiau'r chwarel a welwch ar eich ochr dde, ewch tua'r chwith i ddilyn y trac yma i lawr i faes parcio Nant Gwrtheyrn.

#### 2. Taith Fewndirol drwy Drefor

Yng nghanol y pentref, gyda'r siop ar eich ochr chwith, mae'r ffordd drwedd yn gwyro tua'r chwith - anwybyddwch hon ac ewch yn syth ar draws ac ymlaen ar hyd stryd ddi-enw. Pasiwch dros bont gyda Chapel Bethania ar y dde a maes parcio ar y chwith. Pan ddaw'r tai i ben, trowch i'r chwith, i fyny lôn, gan ddringo'n raddol. Pan fydd y lôn yn troi'n dynn i'r chwith (GR 368 463) ewch yn eich blaen i fyny trac (sy'n troi'n llwybr) at Fwlch yr Eifl. Dewch o hyd i drac cerbydau o raean mân yn dod i lawr o weithiau'r chwarel a welsoch ar eich ochr dde, ewch tua'r chwith i ddilyn y trac yma i lawr i faes parcio Nant Gwrtheyrn.

Mae dwy daith bosibl o'r fan yma i Bistyll

Y Daith Fewndirol: O'r maes parcio cerddwch tuag at Llysaen am oddeutu 200 llath, trowch i'r dde i ddilyn y llwybr ceffyl drwy giât fetel. Cadwch y ffos a'r ffens ar eich ochr dde a phasiwch drwy giât arall gerllaw'r tŷ (Tir Gwyn) ar eich ochr chwith. Cymerwch y giât nesaf ar y dde, drwy'r wal, a cherdded i fyny canol y cae at y postyn marcio, y gallwch prin ei weld ar ael y bryn. Pasiwch drwy giât cae a welwch o'ch blaen, trowch i'r dde a dilynwch y wal, trowch i'r dde eto a thrwy giât bren fechan.

O'r fan yma cerddwch yn syth i lawr tuag at y fferm, Ciliau-isaf, gan groesi trac fynediad dros ddwy gamfa i basio ar ochr chwith y fferm. Dilynwch y linell o gatiâu mochyn wrth i chi groesi caeau (i'ch helpu, gallwch weld bae Porth Dinllaen oddeutu 4 milltir o'ch blaen). Ar ôl pasio Cefnydd mae llwybr yn eich arwain i lawr heibio'r Ffynnon Sanctaidd i Bistyll ac Eglwys Sant Beuno.

Y Llwybr Arfordirol: mae hwn yn dirwyn ei ffordd i lawr at y Ganolfan Iaith Genedlaethol (Nant Gwrtheyrn) ac ymlaen tuag at y traeth; o weddillion y lanfa dringwch lwybr serth ond hyfryd i Giliau-

isaf (Fferm) ac o'r fan honno mae'r llwybr yn arwain ar draws y bwlch i Eglwys Sant Beuno (ym Mhystyll) sy'n dod i'r golwg wrth i chi fynd i lawr. Nid oes cyfeirbwyntiau Taith y Pererin ar hwn.

Ar ôl ymweld â'r Eglwys ewch yn ôl i'r lôn a pharhau ar ei hyd i basio safle'r gwesty sydd wedi'i ddymchwel erbyn hyn. Rydych yn awr yn dilyn Llwybr Arfordir Cymru gyda'r pyst cyfeirbwyntio newydd i'ch tywys. Pan gyrhaeddwch y B4417 trowch i'r chwith a chyn hir cymerwch y trac ar y dde.

Mae'r llwybr yn croesi cwpwl o gaeau (sy'n weddol fwdlyd mewn tywydd gwlyb) ond cyn hir mae'n pasio ar ochr dde tŷ ac yna o amgylch ochr bryn, drwy'r hen waith chwarel i ymuno â thrac mynediad sy'n arwain at nifer fechan o dai. Mae llwybr cul yn fforchio i'r dde cyn hir, ac wrth ymyl pen hwn mae nant fechan ar eich ochr dde. Trowch i'r chwith wrth Eglwys y Santes Fair (Amgueddfa Forwrol Llyn bellach), cerddwch i lawr y stryd i'r brif ffordd a throwch i'r chwith i mewn i Nefyn